

尚書今古文注疏

四



尙書今古文注疏目錄

卷一

堯典第一上

堯典第一下

卷二

皋陶謨第二上

皋陶謨第二中

皋陶謨第二下

卷三

禹貢第三上

禹貢第三中

尙書今古文注疏

目錄

禹貢第三下

卷四

甘誓第四

卷五

湯誓第五

卷六

盤庚第六

卷七

高宗彤日第七

卷八

西伯戡黎第八

卷九

微子第九

卷十

泰誓第十

卷十一

牧誓第十一

卷十二

洪範第十二上

洪範第十二下

卷十三

金縢第十三

卷十四

大誥第十四

尚書今古文注疏

目錄

卷十五

康誥第十五

卷十六

酒誥第十六

卷十七

梓材第十七

卷十八

召誥第十八

卷十九

洛誥第十九

卷二十

多士第二十

卷二十一

無逸第二十一

卷二十二

君奭第二十二

卷二十三

多方第二十三

卷二十四

立政第二十四

卷二十五

顧命第二十五

顧命第二十五下

卷二十六

費誓第二十六

卷二十七

呂刑第二十七上

呂刑第二十七下

卷二十八

文侯之命第二十八

卷二十九

秦誓第二十九

卷三十

書序第三十上

書序第三十下

尚書今古文注疏

卷二十三

多方第二十三 周書十四

疏

此篇書序列在無逸君奭之後。前尚有成王征將薄姑二佚篇。史記周本紀召諸洛誥多士無佚及此多方。俱在厲公行政七年。成王長。周公反政之後。與伐誅管蔡非一時事。大傳則云周公攝政一年救亂。二年克殷。三年踐奄。四年建侯衛。五年營成周。六

年制禮作樂。七年致政于成王。則此是攝政三年事。當在召諸洛誥諸篇之前。故書序疏引鄭注云。此伐淮夷與踐奄是攝政三年伐管蔡時事。其編篇于此未聞。案古今文說。書本不同。史公問故孔安國又與書序編篇之次相合。未可非也。又考大傳云。管叔疑周公。流言於國曰。公將不利于王。奄君薄姑謂祿父曰。武王已死矣。成王幼。周公見疑矣。此世之將亂也。請舉事。然後祿父及三監叛。周公以成王之命殺祿父。時此不言誅奄君。周本紀亦止云誅武庚管叔。放蔡叔。蒙恬傳則云成王能治國。有賊臣言周公旦欲爲亂久矣。王若不備。必大有事。王乃大怒。周公旦走而奔於楚。又云殺言之者。而反周公旦。此賊臣流言。在成王能治國之後。是反政後譖周公與管蔡流言。俱非一時事。蓋卽奄君也。奄君先導管蔡流言。或未聞於朝。故爲誅戮所不及。此時見周公反政。又進譖言。成王悟而誅之。疑卽此時踐奄也。蒙恬親見百篇之書。說當不謬。伏生亦見全書。而大傳則夏侯歐陽所記。或不必出自伏生耳。

惟五月丁亥。王來自奄。至于宗周。**注**鄭康成曰。奄國在淮夷之旁。周公居攝之時亦叛。王

與周公征之三年滅之自此而來歸

疏

此五月史公以爲在七年反政之後大傳以爲在攝政三年不能推其甲子也王來自奄據多士云昔朕來自奄此篇應與多士相連在前故鄭疑其編篇於此也

宗周者詩正月云赫赫宗周傳云宗周鎬京也周之東遷無復西都亦名東都王城爲宗周此時宗周實鎬京也周官序云還歸在豐成王是時常居豐去鎬京二十五里然則至鎬諸庶邦後仍歸豐也鄭注見詩幽譜疏云奄國在淮夷之旁者奄在魯見上多士疏云周公居攝之時亦叛者用大傳說詩破斧云周公東征四國是皇傳云管蔡商奄也亦以伐奄爲攝政時事與史記不同

周公曰王若曰猷告爾四國多方

疏

王氏鳴盛引書疏王

肅曰周公攝政稱成王命以告及還政稱王曰嫌自成王辭故加周公以明之王肅以多方作在歸政後則僞傳謂再叛再征與王肅合或皇甫謐依仿肅注爲之然再叛之事無據惟此周公曰王若曰之文蓋大誥王若曰鄭謂王即周公今此以周公冠成王之上與攝政前之大誥異與歸政後之多士同謂周公在軍中故假王自重此凱還作誥當稱王命而其詞實出周公故書法如此案王肅雖亂經之人此說多方在周公反政後實本于史記未爲無據王氏所言在軍中及凱旋書法不同之說亦未必然也猷與繇通釋言云道也猷告猶言告道大誥云猷大誥爾多邦馬氏作大誥爾多邦惟爾殷侯尹民我惟大降爾命爾罔不知

疏

釋言云殷中也尹正也降下也命者詩箋云猶

教令也多士云昔朕來自奄予大降爾四國民命即謂此我惟大降爾命也言汝中夏諸侯之正治民者我惟天下汝教令汝應無不知之矣僞傳以大降爾命謂誅紂失之遠矣洪惟圖天之命弗永寅念

于祀

洪惟當如大誥洪惟蓋洪亦爲代也上文言周公曰王若曰是代王出誥實者釋詁云敬也圖天命謂圖度天命弗永念于祀即下文不克永于多享及不集于享惟我周王克堪用德惟典神天也

惟帝降格

于夏有夏誕厥逸不肯感言于民乃大淫昏不克終日勸于帝之迪

疏

迪馬融

作攸曰所也

疏

降下見上疏格與假通釋詁云陞也言惟帝陞降於中夏之人即洪範云陰隲下民也逸者釋言云過也又與佚通廣雅釋詁云勅戲也釋言云勅豫也感者詩傳云憂也迪者與筮聲相近說文云筮長也言有夏大其過

豫不肯有憂惑之言及于民。乃大淫泆昏亂。不能有一日勤勉于帝之長言。如不終日也。屬注見釋文。迪作攸者。字從由。聲與攸相近。云所者。釋言文。

乃爾攸聞。厥圖帝之命。不克開于

民之麗。乃大降罰。崇亂有夏。

厥者。釋言云其也。其謂夏桀也。麗者。麗於獄也。周禮小司寇職。以八辟麗邦法。附刑罰注。杜子春讀麗爲羅。疏云。羅則入羅網。當在刑書。呂刑云。越茲麗刑。又

云苗民誅察于獄之麗是也。崇者。詩傳云終也。言有夏淫昏之事。乃汝所聞。其君桀圖度帝命。不知天之愛民。不能開釋于民之麗於羅網者。乃大下誅罰。終亂夏邑。僞傳以麗爲施。云施政教。失之。

因甲于內亂。

成曰。習爲鳥獸之行。于內爲內亂。不克靈承于旅。

甲者。釋言云。狎也。內亂者。桀嬖有施氏女妹喜。靈者。詩箋云。善也。承者。詩傳云。正也。旅者。釋詁云。衆也。言桀因習於

好內以亂政。不能以善正治此衆民。鄭注見書疏。云鄭王皆以甲爲狎。故鄭釋甲爲習也。說文云。狎。犬可習也。云鳥獸行者。周禮大司馬云。外內亂。鳥獸行。則滅之。注引王霸記曰。悖人倫外內。無有異于禽獸是也。

罔丕惟進之

恭。洪舒于民。亦惟有夏之民。叨憤日欽。剗割夏邑。

叨憤一作壘。罔丕者。釋言云。罔。無也。丕。與不通。進者。史記呂不韋

傳云。進用不饒。索隱引小顏云。財也。漢書高帝紀云。蕭何主進。注師古曰。進字本作資。恭與共通。釋詁云。具也。舒者。困學記聞曰。古文作茶。此宋次道家古文。考工記注云。茶。古文舒。叨。說文作𠂔。云。食也。重文作叨。又𠂔。忿戾也。引周書此文云。讀與擊同。欽與厥通。釋詁云。與也。剗與害通。夏邑者。夏之京邑。見前疏。言桀貪。無不以財進奉共職。大爲荼毒於民。亦惟夏民含戾日興。謂上有好者。下必甚也。殘害夏邑。如湯誓所云。率割夏邑。呂氏春秋慎大篇云。桀爲無道。暴戾頑貪。天下顛恐而患之是也。

天惟時

求民主。乃大降顯休命于成湯。刑殄有夏。惟天不畀純。乃惟以爾多方之義民。

不克永于多享。惟夏之恭多士。大不克明保享于民。乃胥惟虐于民。至于百爲。

大不克開圖

顯者釋詁云代也。刑者說文云罰。舉也。殄者釋詁云絕也。界者詩傳云與也。純者方言云好也。樊殺修華獻碑云天惟醇佑萬國純與醇聲相近。謂天不與以美報也。義民者江氏聲云猶民儀謂賢者大誥民獻大傳作民

儀是也。恭同共明勉保安見上疏。晉者釋詁云皆也。言天惟是求民之主乃大下代受美命于成湯。罰絕夏桀惟天不與夏以美報矣。乃惟以汝多方之賢民不克長享祿位惟夏之共職多士大不能勉安其享此當絕句又言桀于民乃皆惟暴虐于民至于所爲百事大不能開釋于麗罪者言桀不能用賢慎罰也。

勸圖

簡同開釋詁代也言惟成湯能以汝多方代夏爲民之主慎其麗於罪者乃所以勸勉其民刑罰其有罪者亦用勸勉其民也。經既云簡又云代疑後人增代字或簡訓大也。

以至于帝乙罔不明

德慎罰亦克用勸要囚殄戮多罪亦克用勸開釋無辜亦克用勸圖

明德慎罰要囚俱見康誥疏勸

者廣雅釋詁云教也帝乙謂七世王之王祖乙也。

今至于爾辟弗克以爾多方享天之命圖

言至于汝君紂不能以多方享大命也。

烏呼王

若曰誥告爾多方非天庸釋有殷乃惟爾辟以爾多方大淫圖

天之命屑有辭圖

釋者章昭注誓語云舍也淫者高誘注呂氏春秋云過也屑有辭多士作洙有辭馬氏云屑過也玉篇云屑碎也楊倞注荀子云屑雜碎衆多之貌辭者說文云訟也言王今告汝多方非天之捨夏殷也乃

惟汝君以汝多方大過圖度天命謂我生不有命在天有罪狀衆多以致滅亡。

乃惟有夏圖厥政不集于享天降時喪有邦間之乃惟

爾商後王逸厥逸圖厥政不蠲烝圖馬融曰蠲明也蒸升也天惟降時喪圖

集者詩傳云就也閭者釋

詰云。代也。獨者。詩傳云。繫也。燕者。廣雅釋詁云。美也。言惟夏王圖度其政。不就于享天下。是喪亡之咎。使有國諸侯代之。又惟汝後王。紂過其佚豫。謀其政。不繫不美。天惟下是喪亡之咎。屬注見釋文云。獨明者。釋育文。燕升者。章昭注。周語同也。言無明德。升聞於天。

惟聖罔念作狂。惟狂克念作聖。

中論法象篇云。鑒其威儀。恍其瞻視。忽其辭令。下引此文。大傳云。貌之不恭。是謂不省。厥咎狂。又云。思之不容。是謂不聖。鄭注云。君貌不恭。則是不

能敬其事也。君臣不敬。則僭慢如狂矣。又云。容當爲審。審通也。心明日聖。孔子說休徵曰。聖者。通也。兼四而明。則所謂聖。聖者。包貌言視聽。而載之以思心者。通以待之。君思心不通。則是不能心明其事也。言惟通明者。無念則慢僭矣。慢僭者。能念則通明矣。天

惟五年。須暇之子孫。鄭康成曰。夏之言假。天觀紂能改。故待暇其終至五年。欲使復傳子孫。

五年者。文王八年。至十三年。假一作夏之子孫。一作湯之子孫。

須者。釋詁云。待也。說文作頤。假與夏通。大傳云。夏者。假也。釋名云。寬假萬物。使生長也。又

與暇通。方言云。秦晉之間。凡物壯大而愛偉之謂之夏。周鄭之間。謂之暇。隸釋。成陽靈臺碑。日穆不夏。即日辰不暇也。詩武疏。引此經。作天維五年。須暇湯之子孫。多湯字。思文疏。引鄭注。大誓云。禮說曰。天意者曰。須紂五年。乃可誅之。詩皇矣疏。引我應云。作靈臺。緩優假紂。此云五年。當從文王七年。數至武王十一年伐紂也。鄭注見詩皇矣疏。文王八年詩武疏。引鄭注。作文王受命八年。云夏之言假。鄭用大傳義。是鄭本作夏也。自八年數至十三年。是匝五年。鄭用十三年伐紂之說。與史記十一年異也。

誕作

民主罔可念聽。天惟求爾多方。大動以威。開厥顧天。惟爾多方。罔堪顧之。惟我

周王靈承于旅。克堪用德。惟典神天。鄭康成曰。顧。由視念也。其意言天下災異之威。動

天下之心。開其能爲天以視念者。衆國無堪爲之。惟我周能堪之。

與同。鄭說文云。敷主也。言天須假紂。而紂大爲民主。無可爲天念顧者。天惟求汝衆

國大勳明威以啓其爲天顧念者衆國無堪之者惟我周王善受衆民能勝用德以主神天之祀鄭注見詩譜序疏以勳威爲災異者金縢云今天動威謂天大雷電以風大木斯拔未盡僊也墨子非攻篇云還至南王紂天不序其德祀用失時兼夜中十日雨土于亳九鼎遷止婦妖宵出有鬼宵吟有女爲男天兩肉棘生乎國道此紂時災異之見於傳記者

天惟式教我用休簡畀殷命尹爾多方

疏式者釋言云用也簡者釋

詁云大也尹者說文云治也言天惟用教我以休祥大付殷命治汝多方也

今我曷敢多詁我惟大降爾四國民命爾曷不忱裕之

于爾多方爾曷不夾介乂我周王享天之命

疏曷一作害不一作弗

疏忱者詩傳云信也裕者方言云道也夾者

廣雅釋詁云近也介者釋詁云善也乂與芝通釋詁云相也言今我何敢多詁我惟大下汝四方民之教令汝何不以誠道之于衆國汝何不近善相我周王共享天命曷作害不作弗見匡謬正俗引書文段氏玉裁云王莽依大語多作害是今文皆作害也

爾尙宅爾宅畋爾田爾曷不惠王熙天之命

疏畋一作田

疏畋者說文云平田也惠者釋言云順也照者周語晉叔向云廣也言

今爾猶居爾居治爾田爾何不順王廣天之命乎

爾乃迪屢不靜爾心未愛爾乃不大宅天命爾乃屑播天命爾

乃自作不典圖忱於正

疏迪者釋詁云作也屢俗字當爲屢釋言云亟也詩箋云數也亟即數也康誥云今惟民不靜未戾厥心愛者說文云戀慕也釋言云惠順也宅當讀爲度屑者方言云猶也典

者釋詁云典法常也忱誠見上疏正者釋詁云長也迪屢猶言屢迪汝數作不靜汝心無愛順之意乃不大圖度天命乃以狹猶播散天命乃自爲不法謀取信於正長我惟時其教告之我惟時其

戰要囚之至于再至于三乃有不用我降爾命我乃其大罰殛之

疏殛一作極

非我有周秉德不康寧。乃惟爾自速辜。

要囚見康誥疏。要者爲其罪法之要辭也。疏者釋言云。誅也。速者鄭注鄉飲酒禮云。召也。言我惟是教告汝。我惟是其俘。

囚汝。至於再三。有不用我所下之命。我其大罰誅汝。非我周奉德不安靜。乃惟汝自召罪也。釋文云。本又作極。春秋左氏昭七年傳云。昔我殛殛於羽山。釋文云。殛本又作極。詩苑柳疏引釋言。作極誅。是殛字古多作極。

王曰。嗚呼。猷

告爾有方多士。暨殷多士。今爾奔走臣我監五祀。越惟有胥伯小大多正。

傳說古者十稅一。多於十稅一。謂之大桀小桀。少于十稅一。謂之大貊小貊。王者十一而稅。而頌聲作

矣。故書曰。越維有胥賦小大多政。

疏

猷與縣同。釋言云。道也。猷告。猶言告道。監。謂三監。五祀。五年也。釋天云。商曰祀。周曰年。告殷民故稱祀。江氏聲云。武王命三叔。殷。殷民皆臣服於茲十年矣。言五祀者。

本其未叛時言也。鄭注大射禮云。胥。宰官之胥。伯者。州伯。內則云。州史。獻諸州伯。州伯命藏諸州府。詩伯兮疏云。彼州伯對閭史閭府。亦謂州里之伯。是伯爲州里之伯也。鄭注周禮地官序官云。正師胥。皆長也。越惟有胥伯小大多正。言于惟有宰官之吏。及州伯小大多正。長。俱謂監已下官長。言告道。汝有方多士與殷多士。今計汝奔走臣服我三監。曾歷五祀。于惟有史胥州伯小大多正。長。汝無不能奉法也。大桀。惟作維。伯作賦。正作政者。今文也。胥者。周禮天官敘官云。胥十有二人。徒百有二十人。注云。此民給縣役者。是給縣役者有胥名。賦者。周禮大司馬云。凡令賦。以地與民制之。上地食者三之二。其民可用者家三人。中地食者半其民。可用者二家五人。下地食者三之一。其民可用者家二人。是縣役亦賦也。故漢書景帝紀詔曰。省縣賦。後漢書第五倫傳云。倫後爲鄉黨。夫平縣賦。皆縣賦連言。卽此胥賦也。今文言於惟有縣賦之事。小大多得中之政令也。云什一而稅者。公羊宣十五年傳云。古者什一而稅。藉。古者爲什一而藉。什一者。天下之中正也。多乎什一。大桀小桀。寡乎什一。大貊小貊。什一者。天下之中正也。什一行而頌聲作矣。與大傳說同。

爾罔不克臬。

注

馬本臬作剽。

疏

臬者。廣雅釋詁云。法也。言汝無不能奉法。謂奉正長供縣賦也。馬作剽。見釋文。剽。亦臬之借字。

自作不和。爾惟和哉。

爾室不睦。爾惟和哉。爾邑克明。爾惟克勤。乃事。爾尚不忌于凶德。**圖** 尚一作上。忌

一作蕃。**圖**

賾者。說文云。敬和也。明與孟聲相近。釋詁云。勉也。尚與上通。言汝自作不和。今惟和哉。汝室有不和者。亦惟和之。汝邑中有能勉者。汝惟能勤。勤乃事。則汝長上不忌嫉汝昔時之惡行矣。說文云。蕃。忌也。周書曰。上不蕃於凶德。今本上作

爾尚。按玉篇廣韻集韻引說文。皆止作上字。上與尙雖通。當從古文。說文忌作蕃。孔壁古文也。

亦則以穆穆在乃位。克閱於乃邑。謀介爾乃自時

洛邑。尙永力。畋爾田。天惟界矜爾。我有周惟其大介。賚爾。迪簡在王廷。尙爾事。

有服在大僚。**圖**

穆穆者。釋詁云。敬也。閱與說通。詩傳云。服也。釋詁云。介。善也。界。養也。迪。進也。乘。擇也。服。事也。寮。官也。簡。與東通。僚。即寮俗字。言上既不汝忌。汝亦則以敬在位。能服於乃邑。謀善汝從遷之洛邑。汝庶幾能永遠

用力治汝田。天惟予汝矜汝。我周惟其大善錫予。汝進擇汝在王之廷。加汝所事。有事在大官也。

王曰。嗚呼。多士。爾不克勸。忱我命。爾亦則惟不

克享。凡民惟曰不享。**圖**

言汝不能勸勉。倍我之教令。汝亦惟不能享天命。汝之民亦不能享天命也。江氏聲說以曲禮云。五官致貢曰享。注云。貢。功也。享。獻也。致其歲終之功于王。謂之獻。故云。致功曰享。則謂

汝不共王事。凡民亦效汝不共也。

爾乃惟逸。惟頗。大遠王命。則惟爾多方探天之威。我則致天之罰。

離逖爾土。**圖** 鄭康成曰。分離奪汝土也。**圖**

逸者。漢書注臣瓚云。放也。頗者。廣雅釋詁云。衰也。釋詁云。探。取也。逖。遠也。離。同。逖。言汝乃惟放蕩。頗邪。大不近王命。則惟汝多方取天威罰。我

則致天討。離。遠汝土。謂放流之。鄭注見書疏。言分離奪汝土者。論語云。魯伯氏駘邑三百。駘放而離逖之。則故土非其所有也。

王曰。我不惟多誥。我惟祇告爾命。又曰。

時惟爾初不克敬於和則無我怨

釋詁云。祗敬也。初始也。言我不徒多貽。我惟敬告汝。以天命。又言是惟始不能敬和。故令遷居。則無怨我也。

卷二十四

立政第二十四 周書十五

立政 史遷說周之官政未次序。於是周公作周官。官別其宜。作立政以便百姓。百姓說。

史公說見魯世家。云以便百姓者。便

猶辨也。百姓。百官也。見堯典疏。

周公若曰。拜手稽首。告嗣天子王矣。

史記周本紀云。周公行政七年。成王長。周公反政成王。北面就羣臣之位。魯世家云。成王長。能聽政。於是周公乃還政於成王。成王

臨朝。又云北面就臣位。躬躬如畏。然是說此經拜手稽首之義也。

用咸戒于王曰。王左右常伯。常伯一作敗。常任。準人。準一

作辟。綴衣。虎賁。

成者。釋詁云。皆也。史說言周公就羣臣之位。故與羣臣皆告戒於王。常伯者。文選籍田賦注引應劭。漢官儀云。侍中。周成王常伯。任侍中。殿下稱制。則常伯於漢爲侍中。百官表。侍中。中常侍。皆加官。無員。多

至數十人。得入禁中。注應劭曰。入侍天子。故曰侍中。古文苑載胡廣侍中。儀云。亦惟先正。克慎左右。常伯常任。實爲政首。據此則常任亦爲侍中之職。準人。江氏聲云。卽下文文武時之準夫。所謂宅乃準也。準者。說文云。平也。从水。又云。法。平也。平之如水。莊子內篇人闕

世云平者水停之盛也。其可以爲法也。準字。熹平石經作辟。辟亦法也。下文言勿誤于庶獄。又稱司寇蘇公。則準人卽主治獄之官也。縹衣不見於周官。顧命云狄設黼服縹衣。則縹衣是主衣服之官。楊雄雍州牧箴。班固西都賦。崔瑗北軍中候箴。皆作縹衣。疑以縹衣名官。是侍帷幄之臣。後漢百官志。內者令一人六百石。本注曰。掌中布張諸衣物。疑卽此官。皆近臣也。虎賁者。周禮夏官之屬。虎賁氏。下大夫二人。舍則守王闕。王在國則守王宮。亦近臣。僞傳以常伯常任爲常所長。事常所委任。謂三公六卿。非也。伯說文作啟。云迨也。引周書曰。常啟常任。此孔壁古文。迨之訓。蓋字詁。非經義也。王氏鳴盛以迨爲迨近之義。或然。準。熹平石經作辟。下闕。蓋作辟人。謂法官也。

周公曰。嗚呼休茲。知恤鮮哉。

疏 釋詁云。休美也。

恤憂也。鮮罕也。言美也。此近臣知憂者少也。古之人迪惟有夏。乃有室大競。籲俊尊上帝。迪知忱恂于九德之

行。

疏 迪者。釋詁云。道也。有室。猶云有家。謂卿大夫也。競者。釋言云。彊也。詩烈文云。無競惟人。傳云。競彊。箋云。人君爲政。無彊于得賢人者。籲者。說文云。呼也。俊者。釋言云。髦也。忱者。詩傳云。誠也。恂者。釋詁云。信也。九德。皋陶謨云。亦行有九德。言古之人有

道者。惟夏王時。其巨室多賢。其君招呼賢俊。以尊事上帝。以道知人。誠信於九德之行。畢氏以田云。二迪字。當訓爲通。迪卽由字。由通也。亦語詞。釋詁。通由皆訓自。迪惟有夏。猶云通惟有夏也。下迪知同。乃敢告厥后曰。拜

手稽首后矣。曰宅乃事。宅乃牧。鄭康成曰。殷之州牧曰伯虞。夏及周曰牧。宅乃準。茲

惟后矣。謀面用丕訓德。

疏 謀面。一作亂謀面。則乃宅人。茲乃三宅。無義民。

疏 宅者。釋言云。居

也。亦與度通。事謂三事大夫。詩十月之交。擇三有事。傳云。有事。國之三卿。謀面者。周書官人解。有考言觀色。訓與順通。丕大也。義民。王氏念孫云。邪民。說文。俄。行頃也。廣雅。釋詁云。俄。衰也。學記。蛾子時術之。卽蛾子也。古字俄義同聲。言既誠信所知之人。有九德之行。乃敢拜手稽首。以告其君曰。居乃職事之人。居乃作牧之人。居乃平法之人。茲乃在我后矣。察其言。觀其色。用大順德之人。乃以官居人。此乃職事作牧平法之人。皆無邪民矣。鄭注見書疏。云殷之州牧曰伯虞。夏及周曰牧者。曲禮云。九州之長曰牧。王制云。千里之外設